



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1709. usque ad annum 1714

Fleury, Claude

August. Vind. [u.a.], 1782

VD18 90119266

§. 10. Summi Pontificis vigilantia contra præfatæ pacis articulos religioni oppositos.

[urn:nbn:de:hbz:466:1-67615](https://nbn-resolving.org/urn:nbn:de:hbz:466:1-67615)

Sæc. XVIII.

A. C. 1713.

§. X.

*Summi Pontificis vigilantia contra
præfatae pacis articulos religioni
adversos.*

*Epist. Clem.
XI. p. 1822.*

Haud temere suspicabatur Pontifex, A catholicos tam in Comitibus Ratisbonensibus, quam in Ultrajectino Conventu promissis, artibus, dolis, minisque plura ad protendendos hæc sectæ fines, & deprimendam veram religionem a Catholicis Germaniæ Principibus extorsuros: Magis adhuc eisdem timorem augebant literæ, quibus Franciscus Lotharius Moguntinus Archiepiscopus atque Elector die decima quarta Februarii summo Pontifici dolenter significabat, quod non levia hæc Catholicæ pericula immineant, & maxima remedii difficultas obversetur, eoquod Principum Legati circa quartum Rysvicensis pacis articuli indemnitatem admodum frigide rem agant, atque unus ex ipsis, & quidem præcipuus non semel palam affirmare ausus esset, se non modo A catholicorum postulatis pro abrogando præfato articulo obniti nolle, sed etiam eorum postulatum omni studio provehere paratum esse: eapropter Pontifex die nona Martii præfatum Archiepiscopum, ut tantam le-

bem a Natione Germanica avertere ve- Sæc. XVIII.
 lit, enixe rogabat his verbis: *Vides, A. C. 1713.*
 unde potissima malorum origo proveniat,
 & quam immerito Germanorum culpa in
 alios transferatur. Quod Tibi, qui inter
 ceteros Germanicæ Antistites sublimi adeo
 præfulges dignitate, incitamento sit ad ni-
 hil omnino prætermittendum, quibus ejus-
 modi macula ab inclyta Natione detergi
 possit, cum autem Pontifex ex literis
 Belgicis intelligeret, quod inter cete-
 ros Principum Catholicorum Oratores,
 qui Acatholicorum postulatis favebant,
 etiam prædicti Archiepiscopi Legatus
 recenseretur, ac ipse dicti articuli mo-
 deratione jam olim proposita sed rejecta,
 Protestantibus satisfieri peteret, hinc
 Pontifex die decima quinta Aprilis da-
 tis ad eundem Archiepiscopum literis
 rogabat, ut Legatum suum in officio
 contineret, eique serio injungeret, ut
 ab incæpto desisteret, & flagrantius,
 quam ceteri omnes Legati veræ Reli-
 gionis causam tueretur, sicque ipsius
 Electoris nomen ab omni dedecoris pe-
 riculo eximeret: Insuper Pontifex cre-
 bris literis Franciæ Regem urgebat,
 ut præfatum articulum omnino inta-
 ctum, inviolatumque conservari, totis
 viribus niteretur. Nec etiam Pontifi-
 cem latebat, quod Calvinistæ tam in
 Comitiis Ratisbonensibus, quam in

Sæc. XVIII. A. C. 1713 Conventu Ultrajectensi omnem conatum adhibuerint, ut iis, sicut in Altranstadiensi pactione Lutheranis Silesitis multa fuere permessa, ita ipsis quoque liberum suæ sectæ exercitium ibidem permittatur, pluraque Tempia, quæ in Silesia olim occupaverant, ipsis cum omnibus juribus ac proventibus reddantur, hancque in rem suas rationes exposuerint edito hujus tituli libello: *Propositio a Ministris Plenipotentariis Regum, aliarumque summarum Potestatum Evangelicæ Religionis Ultrajecti congregatis Ministris Plenipotentariis Imperatori tum ore facta, tum scripto exhibita, die 9. Januarii 1713. in favorem Reformatorum in Silesia*: Inde magno mœrore obrutus Pontifex, die prima Aprilis literas ad Carolum VI. Imperatorem dedit, in quibus eundem hortabatur, & obsecrabat, ut non modo hisce Calvinistarum postulatis obsisteret, sed in Altranstadiensi pacto extorta, ac religioni Catholicæ noxia velut nulla, & perinde acsi nunquam facta fuissent, habere velit.

Vid. supra
t. 67. S. 51.
pag. 735.

Cum autem Joannes Franciscus Constantiensis Episcopus inaudiisset, quod Helvetii Calvinistæ iniquas pacis Araviensis leges in Ultrajectensi Conventu confirmari, essent petaturi, proin præter ablatam jurisdictionem illataque damna inlu-

insuper Constantiensi Ecclesiæ alia gra- Sæc. XVIII.
 viora instarent pericula, hinc Pontifi- A. C. 1713.
 cis patrociniū implorabat, cui etiam
 Clemens Papa datis die vigesima secun-
 da Aprilis literis omnem opem pollicitus,
 certiozem reddidit, ex certis docu-
 mentis sibi constare, Cæsari non mi-
 nus ac Franciæ Regi fixum firmum-
 que esse, ut præfata Helvetiorum pa-
 cificatio Ultrajectensi transactioni ne-
 quaquam infereretur. Pari Religionis
 studio animatus Pontifex, die vigesi-
 ma septima Maij Franciæ Regem hor-
 tabatur, ne permetteret, ut dominium
 arcis Reinfeldensis ad Rhenum, quam
 quidam A catholicus Princeps in nu-
 pero bello invasit, militumque præ-
 fidiis firmavit, eidem in Ultrajectensi
 Conventu attribueretur, sed ipsam po-
 tius legitimis ejus Dominis Catholicis
 restituere compelleretur. Ejusdem
 quoque Regis, necnon Philippi V. Hi-
 spaniarum Regis patrociniū implo-
 rabat Pontifex adversus Anglos, qui
 in Insula Minoricæ, quam vi pacis Ul-
 trajectensis obtinuerant, ordinariam
 Majoricensis Episcopi jurisdictionem
 violantes, quatuor Ecclesias publico
 suæ sectæ exercitio deputarunt, ac in-
 super eorum Prædicantes tum Episco-
 palis tum etiam Capitularis Mensæ
 proventus occuparunt, ac Moniales

Sæc. XVIII. frequenti Acatholicorum familiaritate
 A. C. 1713. & colloquiis infecerunt. Rogabat igitur Pontifex, ut præfati Reges memoratis gravissimis hisce scandalis opportune occurrant, & omne Ecclesiasticæ disciplinæ, Catholicæ Religionis, & Episcopalis auctoritatis detrimentum prævertere velint.

§. XI.

Pacis articuli Carolo Imperatori oblati.

La Clef Nov.
 1713 p. 303.
 339 & seqq.
Elect. Jur.
 publ. t. 5.
Hist. du
Congr.
 pag. 465.

Ceterum Ultrajectinæ pacis articulis non minus iniquis quam indecoris subscribere constanter renuebat Imperator; ægerrime ferens, quod Angli tot solemnes juratasque foederis leges de bello non ante receptam Hispaniam, nec nisi cum ceteris sociis terminandam perfide violassent, & Galli Argentinam, necessarium adversus vim Francicam repagulum, Imperio eripuissent, nec non quod Imperatori Neapolis Regnum Cæsareis armis partum fuisset ita relictum, ut Sabaudum Siculo Regno auctum, Regio titulo superbum, internecinum Austriacæ Domus hostem cernere cogeret infidum plane vicinum. Id præcipue movit Imperatorem, ut Sabaudicos Oratores & Vienna & Ratisboaa abesse juberet.